

MUKANDA A NTUNDU WAKAFUNDI

PETERO

Ambuwaemula

1 Petero, utumami a Jesu Kristu, Le ambitshanyimi wa l'ehandjwelu wudjashi la Poto, ndu la Ngalatiya, ndu la Kapadokiya, ndu la Asiya, ndu la Bituniya, 2 wakasonama uku akeyi Unyashungu Shesu ntundu, l'ekidiamelu ka Nyuma, dia vo ndjala la ukitanyia la emongelo ka dikila dia Jesu Kristu:

Ngandji ka mamba la ki kafuli le nyu!

“Sangu Dia Pundju, Diahhalana, Diahhashisho”

3 Watumbuli Unyashungu Shi Khumesu Jesu Kristu! Ndi akatuti ntu uma lu ketshi kandi ka wuki, dia shu ndjala la elungamelu ka lumu ne dia eulwelu ka Jesu Kristu uma lu nyoi; 4 dia shu ndjala la sangu diahahonde, diahalana, diahashisho, diakawanyukitshiya l'ulungu. 5 Nyu ane wambulamema lu wulu a Unyashungu dia mbetawo kanyu, nyayuyala la panda kayenyama le nyu l'etena k'ekumelu. 6 Dikambu ne diambunyongenyangenya efula, naka nyu mpumbaka dia nyangiema etenyi ka tshitshe l'chimba efula. 7 Ne dia chimbela ka mbetawo kanyu kuleki paunyi, katushishoka lam'akihimbawo la dja ushinga a wulu, katanemi la diandu la lutumbu la kenemo l'enelo ka Jesu Kristu! 8 One lakinyu komena, nyu nyambuwwaka ngandji. Nyu hanyuwenyi, keli nyambuwetawo, nyambutamany ngenangena lu ongenongeno a lutumbu waheyama mvuta. 9 Nyu nyambulungula panda l'etema anyu uku ekundjelu ka mbetawo kanyu.

10 Amvutshi wakayangi, wakakumia-kumia dia panda kene, wakati dia ngandji ka mamba kayuya le nyu. 11 Vo wakayangi etena kakona la wuhu akona w'etena kakawatela Nyuma ka Kristu kaki l'etema awo lam'akandawatela dia asui wa Kristu la ntundu, la dia lutumbu lakayayakaka l'okongo awo. 12 Akenyama le wo ati: Vo kundjatsihela akambu ane vame, keli wakanyutshela akambu ane watama kakiane l'enyoka a wane wakanyusambisha lukumu l'ololo le Nyuma k'Ekila, kakatumama uma

l'ulungu. Andjelo nangaka menda akambu ako.

13 Okone nyolongosole tumba tanyu, nyuyali ki. Nyushikike elungamelu kanyu lu ngandji ka mamba kayuwunyusha l'enelo ka Jesu Kristu. 14 Nyuyali uku ana w'ukitanyia. Tanyuyafanyaki la saki kanyu ka ntundu lam'akinyu dinginya. 15 Keli one lakanyeti, eko ekila, okone ndu nyu nyuyali ekila lu ditshelu dianyutshu. 16 Ne dia ambufundama ati: Nyuyali ekila, ne dia dimi leko ekila. 17 Naka nyu nyatuwetaka nyati: Shesu, latulumbuyaka untu tshe uku akandatshi aha la shonodi, nyukaki woma lam'ekinyu lene akanyatshanyema. 18 Nyeyi nyati: Nyu kuntshungwama la diango diayulana, la fesa kana paunyi, uma lu ditshelu dianyutshu di'anyanya, diakanyakiti uma le watshenyu. 19 Keli nyu nyakatshungwama la dikila di'ushinga a wulu, uku dia ona okoko laha la munga kuyanga vadi, dia Kristu ndame. 20 One lakasonwama ntundu andja watatungama, keli akenama l'ekumelu k'etena kene dia dikambu dianyutshu. 21 Nyu nyambuyala embetawudi wa Unyashungu uma le Jesu lakandulula uma lu nyoi ndu lakandasha lutumbu, dia mbetawo la elungamelu kanyu ndjala le Unyashungu.

22 Ne dia nyu nyambedia etema anyu la ukitanyia anyu lu akambu wa mete, dia mbuka anyanyu ngandji mete, okone nyukani ngandji wulu l'etema anyu. 23 Nyu nyakutama ntu, aha lu wuhu wa diango diatulanaka, keli lu wuhu wa diango diahalana, lu diui dia Unyashungu dieli la lumu, dieli pundju. 24 Ne dia diui ne dieko ati: Antu tshe weli uku adiyu, Lutumbu lawo tshe leli uku dembo di'adiyu. Adiyu watolengelaka, alembo watokokaka, 25 Keli diui dia Khumadiondjo dieko pundju. Diui diako dieli lukumu l'ololo lakawanyusambisha.

“Nyeko Wudja Wakawasonola, Elombedi wa lu Diuhu Dia Khumadiondjo, la Wudja w'Ekila”

2 Okone nyunya kolo tshe, ndu yelu tshe, ndu kesu, ndu kandjema, ndu tendo

1 PETERO

tshe. 2 Nyuyali uku ana wutshiwo kakiane. Nyulangi awele wa diui di'ololo diaha la lukesu, dia nyu mbula lu diui ne edja ndu nyayutana panda; 3 ne dia nyu nyambunganela memakana ka Khumadiondjo.

4 Nyuyi le ndi, le dive dia lumu, diakatuni antu, keli dio diakasonwama le Unyashungu, ndu dieko ushinga a wulu. 5 Okone ndu nyu nyeko uku ave wa lumu, wambunyete uku luudu la Nyuma, dia nyu ndjala elombedi w'ekila, ne dia nambula elambu wa Nyuma, wangenyangenyanya Unyashungu le Jesu Kristu. 6 Ne dia diui ne diambufundama lu efundelu ati: Enda, dimi lambushikike dive la Siona, Dive dia tshuku, diosonami, di'ushinga a wulu. One lawetawo, hutshama sonyi. 7 Ndi eko ushinga a wulu le nyu, nyu wane wetawo. Keli le wane wahetawo, Dive diakatuni ambiki wa luudu, Diakawakitsha l'ote a tshuku, 8 la, Dive, diayutakanya antu,

Dive dia wuki diayuwamba, ne dia vo wambutakana lu diui, weko la uhedia, wakasonwama lu dikambu ne.

9 Keli nyu nyeko wudja wakawasonola, nyeko elombedi wa lu diuhu dia khum'ekanga, la wudja w'ekila, antu wa Unyashungu ndame, dia nyu menya akina ololo wa one lakanyeti uma lu udjima utsha lu yangi yandi ya mamba. 10 Takinyu antu andi ntundu, keli kakiane nyambukayala antu wa Unyashungu. Nyu kunkundja ketshi ntundu, keli kakiane nyambukundja ketshi.

Nyetawo Elembe w'Antu ne Dia Khumadiondjo

11 Elangimi, dimi lambunyosengasenga uku angendangenda la ambitshanyimi nti: Nyoseke saki ya dimba, yatoloshaka etema anyu ta. 12 Nyuyali la ditshelu di'ololo l'atei w'asi wedja. Okone, naka wambunyosongwela vati: Nyu nyeko atshi wa kolo, naka vo wayena etsha anyu w'ololo, ku vo wayutumbula Unyashungu, lu lushi layundakendela.

13 Nyetawo elembe tshe w'antu ne dia Khumadiondjo, kuyanga wa khum'ekanga ka wuki, leli ladiku dia tshe, 14 kuyanga w'embuledi wakandatumi dia nsobwela atshi wa kolo, la dia nemia atshi w'ololo. 15 Ne dia Unyashungu nangaka nyu nembohaya eteketateketa w'akanga a dinginya lu ditshelu dianyu di'ololo. 16 Nyuyali uku akanga a ndjadjasela, keli kanyeteki ndjadjasela kanyu uku ukumbo wa nkumba kolo, keli nyuyali uku ekambi wa Unyashungu. 17 Nyolemia antu tshe. Nyulangi anyanyu. Nyuki

Unyashungu woma. Nyolemia khum'ekanga ka wuki.

Daku le Ekambi

18 Ekambi, nyetawo aui wa akhumenyu la woma tshe, aha le wane w'ololo la memakana atu, keli ndu le akanga a ngala. 19 Dikambu ne mbetawomaka, naka untu ayushikikala lu nyangu lam'awusuyawo anyanya, ne dia khum'utema kandi keko le Unshashungu. 20 Lutumbu lakona leko, naka nyayetawo l'etetemalu lam'ayuwunyokomola ne dia akambu wa kolo wakanyatshi? Keli naka nyu nyayutsha ololo, la nyayetawo l'etetemalu lam'anyusuyawo, dikambu diako mbetawomaka lu ashu a Unyashungu. 21 Nyu nyaketama dia dikambti diako, ne dia Kristu akanyusuwela, akanyutshikela djimbitelu, dia nyu mbuyela lu wanya andi. 22 Ndi kuntsha dikambu dia kolo, kuntanema la lukesu l'ungyo andi. 23 Lam'akawõtenge, ndi kumbatenga. Lam'akandasuyama, ndi kumbânela, keli ndi akayakimo le one latulumbwanyaka ololo. 24 Ndi akatembela wutshu wa kolo yasu lu dimba diandi l'utamba, dia shu wane wakavu lu kolo ndjala la lumu lu akambu w'ololo. Nyu nyakakono dia wimbo andi. 25 Ne dia nyu nyakanganela uku ekoko, keli kakiane nyambukalula le Ulami la Umumbi a nyumu yangyu.

Daku le Wadi

3 Okone nyu amantu, nyetawo aui a waumenyu, ne dia naka amotshi hawukitanyia diui dia Unyashungu, ndu waha la diui dia Unyashungu, wayudietawo ne dia ditshelu dia wadiewo 2 lam'ayuwena ditshelu dianyu di'ololo diosohanyi la woma. 3 Tanyuyalengaki la elelo ka divu, elengelo ka diango dia paunyi, kuyanga k'elotelo k'ahondo. 4 Keli nyuyali la elengelo k'ushami l'utema, elengelo k'utema a memakana la ki kahalana, k'ushinga a wulu lu ashu a Unyashungu. 5 Uku etshelu kene, amantu w'ekila w'edjedja wakalungamelaka Unyashungu, wakayalenge, waketawo aui a waumewo. 6 Uku Sara, akakitanyia diui di'Abarama, akaweti Khumadiondjo. Tukanula tandi mbenyu kakiane, naka nyu nyayutsha ololo la hanyutshama woma.

Daku le Waumi

7 Ndu nyu apami, nyudjase la wadienyu la yimba, nyuwalemia, ne dia vo wambunyuleka wodu, la dia vo weko ekito kame la nyu wa ngandji ka mamba ka lumu,

dombelo dianyu diatukushimbama.

Daku le Antu Tshe

8 Diui dia ndjihelu ne, nti: Nyu tshe, nyuyali la utema otoi. Nyukani ketshi, nyukani ngandji uku untu l'onangu. Nyuyali la etema wa memakana, nyuyakitshakitsa. 9 Tanyukaluyaki kolo lu kolo, kuyanga lotengo lu lotengo, keli nyotshokwani, ne dia nyaketama dia dikambu ne, dia nyu nkita otshoko. 10 Ne dia, Untu latulangaka lumu, La atulangaka mena nshi y'ololo, Ashimbi lulimi landi uma lu kolo, Ndu elomo andi tawutaki kashi. 11 Ndi akadimo uma lu kolo, atshaki ololo; Ayangi ki, akiyeli. 12 Ne dia ashu wa Khumadiondjo weko le antu w'ololo, Atui andi weko hwe lu dombelo diawo. Keli elundji ka Khumadiondjo keko le atshi wa kolo.

Nyuyali la Khum'Utema k'Ololo: Wane Wasuwa Di'Akambu w'Ololo Weko la Otshoko

13 Untu akona ayunyutshela kolo, naka nyu la saki ka ntsha akambu w'ololo? 14 Keli naka nyu nyayusuwa di'akambu w'ololo, nyu nyayotshokwama Tanyuwaukaki woma, tanyudidimaid. 15 Keli nyukidia Kristu uku Khumadiondjo lu etema anyu. Nyutayalongosodi dia nyu mbeya lama nkaluya diui le untu tshe lanyumbula, dia elungamelu keli l'etema anyu. Keli nyutshi okone la memakana la woma. 16 Nyuyali la khum'utema k'ololo, okone lu akambu, wane wanyosongwela, watonyolaka ditshele dianyu di'ololo le Kristu, wayutshama sonyi. 17 Naka Unyashungu nangaka okone, nsuyama dia ololo ambuleka nsuyama dia kolo ololo. 18 Ne dia ndu Kristu akavu etena otoi ne dia kolo, untu ololo akasuwele antu wa kolo, ne dia ntêla le Unyashungu. Dimba diandi diakadiakema, keli ndi aki la lumu l'utema. 19 La lumu lako mbakandatshu la ntusambisha nyumu ya wa lu lukanu la nyoi, 20 yaki la uhedia ntundu. Lam'akakungaka memakana ka Unyashungu lu nshi ya Noa, lam'akandatshaka watu a luudu, antu tshitshe mbakashimbamela loko l'ashi: antu enanei atu. 21 Dikambu ne dieko uku djimbitelu ya mete ya batiza kanyushimbela kakiane, aha dia minya mindu ka dimba, keli dia nomba khum'utema k'ololo le Unyashungu uma l'eulwelu ka Jesu Kristu. 22 Ndi akatshu l'ulungu, eko la lunya la pami la Unyashungu; andjelo, akanga a waulelu la akanga a wulu wakayala l'okongo andi.

"Tanyuyelaki Saki y'Antu, Keli Nyuyeli Lulangu la Unyashungu"

4 Ne dia Kristu akasuwi lu dimba, ndu nyu nyuyalotsha la tukanyi pupu. Ne dia untu lakasuwi lu dimba, ambushila nkimo kolo, 2 diaha nyu ndjela saki y'antu lam'ekinyu la lumu lu alimba, keli dia ndjela lulangu la Unyashungu. 3 Ne dia nshi yakanyayelaka saki y'asi wedja yakakuki, lam'akanyakendakendaka lu akambu wa kolo, la songu ya munanyi, la dinwelo dia wanu, la engenongeno wa kolo, la mindju yakanyadjoka wanu, la ditemwelo dia dikishi dia wononyi. 4 Vo wambamba, ne dia nyu hanyutshu la wo pulu lu akambu wa kolo ako ntu; vo watunyotendaka. 5 Keli vo wayutela one lakayalongosola dia numbuya weli la lumu ndu wakavu akambu awo. 6 Dia dikambu ne, mbakawasambisha ndu wakavu lukumu l'ololo, dia vo numbuyama uku antu wasena, keli dia vo ndjala la lumu l'etema uku eli Unyashungu.

7 Keli ekumelu k'akambu tshe kaya suki, okone nyuyali la yimba y'ololo, nyolembobali, nyolombaki. 8 Ladiku dia akambu tshe, nyutamanya mbukana ngandji, ne dia ngandji atukumbaka akambu wa kolo efula. 9 Nyulungwani lu mvudu yanyu l'ongenongeno, aha l'ungunungunu. 10 Uku akalungula untu l'untu ushaha, nyuwushani, uku alami w'ololo wa wehu efula wa ngandji ka mamba ka Unyashungu. 11 Naka untu atutaka diui, ati uku atandi aui wa Unyashungu; naka untu atukambelaka akina ulimu, atshi la wulu watuwushaka Unyashungu, ne dia Unyashungu atumbwami lu akambu tshe uma le Jesu Kristu. Lutumbu la diulelu wayali le ndi pundju pundju! Ayali osoku!

"Nyongenengene, ne Dia Nyu Nyambusuwa la Kristu"

12 Elangimi ami, tanyambaki dia akambu wa wulu weli l'atei anyu, wambuya le nyu dia nyuhimba, nyati: Dikambu di'uyuyu diambuya le su. 13 Keli nyongenengene, ne dia nyu nyambusuwa la Kristu, ne dia nyu mbeya ngenangena l'ongenongeno utamanya l'enyele ka lutumbu landi. 14 Naka nyu nyambotengama dia lukumbu la Kristu, nyu nyeko la otshoko, ne dia nyuma ka lutumbu, ndu ka Unyashungu, keko la nyu. 15 Keli omotshi l'atei anyu tasuyamaki uku tomboki, kuyanga uku uvi, kuyanga uku utshi a kolo, kuyanga uku kanga esaku lu akambu wa kana. 16 Keli naka untu omotshi ambusuyama

1 PETERO

uku usika Kristu, ndi tukaki sonyi, keli ndi atumbuli Unyashungu lu lukumbu lone, 17 ne dia etena kambukuka dia elumbwelu ntatela le wa lu luudu la Unyashungu. Naka to kambutatela le su, ukundi ayuyala ekumelu ka waku wahakitanyia lukumu l'ololo la Unyashungu? 18 Ku Naka untu ololo ambushimbamela, Lendi ayenama omonyodi la untu a kolo? 19 Okone wane wasuwa uku lulangu la Unyashungu, wakimo etema awo lu akambu w'ololo le utungi leli la kolamelu.

Alaku Amotshi

5 Dimi lambokokomiya dikumanyi dia l'atei anyu, ndu dimi keli ekumanyi, ndu omenyi w'asui wa Kristu, ndu ulungudi a lutumbu layanga menama, nti: 2 Nyulamaki ekoko wa Unyashungu weli l'atei anyu. Nyuwalami, aha la khudu, keli la etema w'ongenongeno, uku eli lulangu la Unyashungu, aha dikambu di'ukundji, keli la yimba yolongoswami. 3 Tanyahamelaki wane weli l'okongo anyu, keli nyuyali tulimbitelu t'ololo le ekoko. 4 Lam'ayene Ulami a wuki, nyu nyayulungula dembo dia kusu dia lutumbu, diahalana. 5 Okone nyu akenda, nyetawo aui wa dikumanyi. Ee, nyu tshe nyuyalotsha la ndjakitshakitsha, ne dia nkambanela, ne dia Unyashungu atutunaka

akanga w'utaku, keli atushaka wane wayakitshakitsha ngandji ka mamba.

6 Okone nyuyakitshakitsha la tshina dia lunya la wulu la Unyashungu, dia ndi nyumbiya lam'ayukuka etena kanyu. 7 Nyukitsha ukananu anyu tshe le ndi, ne dia ndi atunyukanelaka. 8 Nyuyali ki, nyendaki. Utunyi anyu uhimbanyi atokendakendaka uku tambwe kadikita kayanga walendi. 9 Nyutetemali mbutuna lu mbetawo kanyu; nyeyi nyati: Anyanyu wa la kete watusuwaka pupu. 10 Unyashungu a ngandji ka mamba tshe lakanyeti lu lutumbu landi la pundju le Kristu, lam'ayunyusuwa etenyi ka tshitshe, ndame ayunyuluwanya, ayunyushikike, ayunyukikitsha. 11 Diulelu diayali le ndi pundju pundju! Ayali osoku!

Ambâtumela Moyo

12 Dimi lambunyufundela aui tshitshe ane le Silivano, latami nti: Unyasu la kolamelu; lambunyokokomiya dia nyenya nti: Ngandji ka mamba ka Unyashungu a mete kene; nyuyashikike loko. 13 Ekelezia wa la Babilona, wambosonama la nyu, wanyutumela moyo. Ndu Mako on'ami anyutumela moyo. 14 Nyononani la ngandji.

Diui Di'Etshokwelo

Ki kayali la nyu, nyu tshe weli le Kristu!